

新刊王氏脉經

脉經序

晉太醫令王叔和撰

脉理精微其體難辨絃緊浮芤展轉相類在心易了
指下難明謂沈爲伏則方治求乖以緩爲遲則危殆
立至況有數候俱見異病同脉者乎夫醫藥爲用性
命所繫和鵠至妙猶或加思仲景明審亦候形證一
毫有疑則考校以求驗故傷寒有承氣之戒嘔噦發
下焦之間而遺文遠旨代寡能用舊經秘述奧而不
售遂令末學昧於原本于茲偏見各逞己能致微病
成膏肓之變滯固絕振起之望良有以也今撰集岐
伯以來逮于華陀經論要訣合爲十卷百病根源各

以類例相從聲色證候靡不該備其王阮補遺最爲
呂張所傳異同咸悉載錄誠能留心研窮究其微順
則可以比蹤古賢代無夭橫矣

天地以生物爲心故古之聖賢著述立論教人
以醫而濟人之生也得其書而自秘者豈天地
聖賢之心乎夫治病莫重於明脈之法無出於
王氏脈經之爲精密本堂所藏不復自秘先以
針灸資生類梓行矣今復刻脈經與衆共之庶
以傳當世濟人之道且多負古人著書之志云
昔天曆庚午仲夏連安葉日增誌于廣勸書堂

新刊王氏脈經目錄

朝散大夫守光祿卿直秘閣判登聞鼓院平章事臣林億等類次

卷第一

脈形狀指下秘決

平脈早晏法

分別三關境界脈候所主

辨尺寸陰陽榮衛度数

平脈視人大小長短男女逆順法

持脈輕重法

兩手六脈所主五臟六腑陰陽逆順

辨腑臟病脈陰陽入法

辨脈陰陽大法

平虛實

從橫逆順伏匿脈

辨災怪恐怖雜脈

遲疾短長雜病法

平人得病所起脉

診病將差難已脉

卷第二

平二關陰陽二十四氣脉

平人迎神門氣口前後脉

平二關病候并治宜

平奇經八脉

奇經八脉為病不在十二經故以繫此卷之末

平二關陰陽二十四氣脉

卷第三

肝膽部

心小腸部

脾胃部

肺大腸部

腎膀胱部

卷第四

辨三部九候脉證

平雜病脉

診五藏六腑氣絕證候

診四時相反脉

診損否脉

診脉動止投數踈數死期年月

診百病死生决

辨三部九候脉證

卷第五

張仲景論脉

扁鵲陰陽脉法

扁鵲華佗察聲色要訣

扁鵲診諸反逆死脉要訣

診三部虛實决死生

卷第六

肝病證

膽病證

心病證

小腸病證

脾病證

胃病證

肺病證

大腸病證

腎病證

膀胱病證

三焦病證

卷第七

病不可發汗證

病可發汗證

病發汗以後證

病不可吐證

病可吐證

病不可下證

病可下證

病發汗吐下以後證

病可溫證

病不可灸證

病可灸證

病不可刺證

病可刺證

病不可水證

病可水證

病不可火證

病可火證

熱病生死期日證

熱病陰陽交并少陰厥逆陰陽竭盡生死證

重實重虛陰陽相附生死證 熱病十逆死日證

熱病五藏氣絕死日證 熱病至脉死日證

熱病損脉死日證

卷第八

平卒中厥脉證

平痿濕暍脉證

平陽毒陰毒百合狐惑脉證

平霍亂轉筋脉證

平血痺虛勞脉證

平中風歷節脉證

平消渴小便利淋脉證

平水氣黃汗氣分脉證

平黃疸寒熱瘧脉證第

平腹痛寒疝宿食

平胃痺心痛短氣實脉證

平遺精積聚脉證

平驚悸衄吐下血胃滿瘀血脈證

平肺痿肺癰欬逆上氣喘飲脈證

平癰腫腸癰金瘡侵淫脈證 平嘔噦下痢脈證

卷第九 平妊娠分別男女將產諸證

平妊娠胎動血分水分吐下腹痛證

平產後諸病鬱冒中風發熱煩嘔下利證

平帶下絕產無子亡血居經證

平鬱冒五崩漏下經閉不利腹中諸病證

平咽中如有炙腐喜悲熱入血室腹滿證

平陰中寒轉胞陰吹陰生瘡脫下證

平婦人病生死證 平小兒雜病證

卷第十 〇手檢圖三十一部 目錄畢

新刊王氏脉經卷第一

朝散大夫李光祿卿真秘閣判登聞檢院上護軍臣林億等類次

○脉形狀指下秘決第一 二十四種

浮脉舉之有餘按之不足

浮於手下

乳脉浮大而軟按之中央空兩邊實

一日手下無兩傍有

洪脉極大在指下

一日浮而大

滑脉往來前却流利展轉替替然與數相似

一日浮中如有力一日漉漉如欲脫

數脉去來促急

一日息六七至數者進之名

促脉來去數時

止復來

弦脉舉之無有按之如弓弦狀

一日如張弓弦按之不移又曰浮緊為弦

緊脉數如切繩狀

一日如繩索之無常

沈脉舉之不足按之有餘一日重按

伏脉極重指按之著骨乃得一日手下裁動一日按之不出名曰伏

革脉有似沈伏實大而長微絃革為牢

實脉大而長微強按之隱指愒愒然一日沈

微脉極細而軟或欲絕若有若無一日浮而薄一日小也一日手下快一日

濇脉細而遲往來難且散或一止復來一日短而止或曰散也

細脉小大於微常有但細耳

軟脉極軟而浮細一日按之無有

弱脉極軟而沈細按之欲絕指下得率之無有

虛脉遲大而軟按之不足隱指豁豁然空

散脉大而散散者氣實血虛有表無裏

緩脉去來亦遲小駛於遲一日得大而軟

遲脈呼吸三至去來極遲

一曰率之不足按之盡半

結脈往來緩時

一止復來

按之來緩時一指者各結陽初來動止更來小數不能自還率之則

動名結陰

代脈來數中止不能自還因而復動脈結者生代者死

動脈見於關上無頭尾大如豆厥厥然動搖

傷寒論云陰陽相搏名曰動陽

動則汗出陰動則發熱形冷起寒數脈見於關上上下下無頭尾如豆大厥厥然動搖者名曰動

浮與芤相類

與洪相類

弦與緊相類

滑與數相類

革與實相類

千金翼云革與實相類

沈與伏相類

微與瀉相類

軟與弱相類

緩與遲相類

軟與遲相類

平脈早晏法第二

黃帝問曰夫診脈常以平旦何也岐伯對曰平旦者陰氣未動

陽氣未散飲食未進經脉未盛經脉調均內經作調勻氣未亂故

乃可診過此非也千金同素問太素云有過之脉切脉動靜而視精明察五色

觀五藏有餘不足六腑強弱形之盛衰以此參伍決死生之分

分別三關境界脉候所主第三

從魚際至高骨其謂自高却行一寸其中名曰寸口從寸至尺名曰

尺澤故曰尺寸寸後尺前名曰關陽出陰入以關為界陽出三

分陰入三分故曰三陰三陽陽生於尺動於寸陰生於寸動於

尺寸主射上焦出頭及皮毛竟于關主射中焦腹及膻尺主射

下焦少腹至足

辨尺寸陰陽榮衛度數第四

夫十二經皆有動脉獨取寸口以決五藏六腑死生吉凶之候

者何謂也然寸口者脉之大會手太陰之動脉也又二呼脉行

三寸一吸脉行三寸呼吸定息脉行六寸人一日一夜凡一萬三千五百息脉行五十度周於身漏水下百刻榮衛行陽二十五度行陰亦二十五度爲一周也故五十度而復會於手太陰太陰者寸口也即五藏六腑之所始終故法取於寸口

脉有尺寸何謂也然尺寸者脉之大會要也從關至尺是尺內陰之所治也從關至魚際是寸口內陽之所治也故分寸爲尺分寸爲寸故陰得尺內一寸陽得寸內九分寸終始一十九分故曰尺寸也

脉有太過有不及有陰陽相乘有覆有溢有關有格何謂也然關之前者陽之動也脉當見九分而浮過者法曰太過減者法曰不及遂上魚爲溢爲外關內格此陰乘之脉也關之後者陰之動也脉當見一寸而沈過者法曰太過減者法曰不及遂入

尺爲腰爲內關外格此陽乘之脉故曰腰瀆是真藏之脉也人不病自死

平脉視入大小長短男女逆順法第五

凡診脉當視其人大小長短及性氣緩急脉之遲速大小長短皆如其人形性者則吉反之者則爲逆也脉三部大都欲等尺如小人細人婦人脉小軟小兒四五歲脉呼吸八至細數者吉千金翼云云人大而脉細人細而脉大人衆而脉實人苦而脉虛性急而脉緩性緩而脉躁人壯而脉細人羸而脉大此皆爲逆逆則難治反此爲順則易治凡婦人脉常欲濡弱於此夫小兒四五歲者脉自歇疾呼吸八至也男左大爲順女右大爲順肥人脉浮瘦人脉浮

持脉輕重法第六

脉有輕重何謂也然初持脉如三菽之重與皮毛相得者肺部也菽者小豆言脉輕如二小豆之重咽也如六菽之重與血脉也作皮毛之間者肺氣所行故言肺部也

相得者心部也心主血脈次於肺如六豆之重如九菽之重與肌肉相得者脾

部也脾在中央主肌肉故如十二菽之重與筋平者肝部也肝

筋又在脾下故次之按之至骨舉之來疾者腎部也腎主骨其脈沉至骨故曰輕重也

兩手六脉所主五藏六腑陰陽逆順第七

脉法讚云肝心出左脾肺出右腎與命門俱出尺部魂魄穀神

皆見寸口左主司官右主司府左大順男右大順女關前一分

人命之主左為入迎右為氣口神門決斷兩在關後入無二脉

病死不愈諸經損減各隨其部察按陰陽誰與先後千金云三陰二陽誰

先誰陰病治官陽病治府奇邪所舍如何捕取審而知者鍼入

病愈

心部在左手關前寸口是也即手少陰經也與手太陽為表裏

以小腸為腑合於上焦名曰神脈一作尾下五分

肝部在左手關上是也足厥陰經也與足少陽爲表裏以膽合爲府合於中焦名曰胞門一作少陽在太倉左右三寸

腎部在左手關後尺中是也足少陰經也與足太陽爲表裏以膀胱合爲府合於下焦在關元左

肺部在右手關前寸口是也手太陰經也與手陽明爲表裏以大腸合爲府合於上焦名呼吸之府在雲門

脾部在右手關上是也足太陰經也與足陽明爲表裏以胃合爲府合於中焦脾胃之間名曰章門在季脇前一寸半

腎部在右手關後尺中是也足少陰經也與足太陽爲表裏以膀胱合爲府合於下焦在關元右左屬腎右爲子戶名曰三焦

辨藏腑病脉陰陽大法第八

脉何以知藏腑之病也然數者腑也遲者藏也數即有熱遲即

生寒諸陽為熱諸陰為寒故別知藏腑之病也

肺者陽故其脈數藏者陰故其

脈浮陽行逆病則陰行疾病則逆

脈來浮大者此為肺脈也脈來沈滑如石腎脈也脈來如弓弦者肝脈也脈來疾去遲心脈也脈來當見而不見為病病有深淺但當知如何受邪

辨脈陰陽大法第九

脈有陰陽之法何謂也然呼出心與肺吸入腎與肝呼吸之間脾受穀味也其脈在中浮者陽也沈者陰也故曰陰陽

心肺俱浮何以別之然浮而大散者心也浮而短濇者肺也腎

肝俱沈何以別之然牢而長者肝也按之更舉指來實者腎也

脾者中州故其脈在中

千金翼云浮而長者脾也

是陰陽之脈也脈有陽

盛陰虛陰盛陽虛者謂也然浮之損沈之實大故曰陰盛陽

虛沈之損小浮之實大故曰陽盛陰虛是陰陽虛實之意也

見寸口浮而實大今輕手浮之更損減而小故言陽虛重手按之反更實大而沈故言陰實

經言脉有一陰一陽二陰二陽一陰三陽有一陽一陰一陽二陰一陽三陰如此言之寸口有六脉俱動耶然經言如此者非有六脉俱動也謂浮沈長短滑濇也浮者陽也滑者陽也長者陽也沈者陰也濇者陰也短者陰也所以言一陰一陽者謂脉來沈而滑也一陰二陽者謂脉來沈滑而長也一陰三陽者謂脉來浮滑而長時一沈也所以言一陽二陰者謂脉來浮而濇也一陽二陰者謂脉來長而沈濇也一陽三陰者謂脉來沈濇而短時一浮也各以其經所在名病之逆順也凡脉大為陽浮為陽數為陽動為陽長為陽滑為陽沈為陰濇為陰弱為陰絃為陰短為陰微為陰是為三陰二陽也陽病見陰脉者反也主

死陰病見陽脉者順也主生關前為陽關後為陰陽數則吐血陰微則下利陽絃則頭痛陰絃則腹痛陽微則發汗陰微則自下陽數口生瘡陰數加微必惡寒而煩撓不得眠也陰附陽則強陽附陰則癰得陽屬腑得陰屬藏無陽則厥無陰則嘔陽微則不能呼陰微則不能吸呼吸不足膏中短氣依此陰陽以察病也

寸口脉浮大而疾者名曰陽中之陽病苦煩滿身熱頭痛腹中熱寸口脉沈細者名曰陽中之陰病苦傷悲不樂惡聞人聲少氣時汗出陰氣不通臂不能舉

尺脉沈細者名曰陰中之陰病苦兩胫酸疼不能久立陰氣衰小便餘瀝陰下濕癢

尺脉滑而浮大者名曰陰中之陽病苦小腹痛滿不能臥

陰中痛大便亦然

尺脉牢而長關上無有此爲陰干陽其人苦兩胫重少腹脹腰痛寸口脉壯大尺中無有此爲陽干陰其人苦腰背痛陰中傷是脛寒夫風傷陽寒傷陰陽病順陰陰病逆陽陽病易治陰病難治在腸胃之間以藥和之若在經脉之間鍼灸病已

平虛實第十

人有三虛三實何謂也然有脉之虛實有病之虛實有診之虛實脉之虛實者脉來空者爲虛牢者爲實病之虛實者出者爲虛入者爲實言者爲虛不言者爲實緩者爲虛急者爲實診之虛實者痿者爲虛痛者爲實外痛內快爲外實內虛內痛外快爲內實外虛故曰虛實也

問曰何謂虛實答曰邪氣盛則實精氣奪則虛何謂重實所謂

重實者言大熱病氣熱脉滿是謂重實

問曰經絡俱實如何何以治之答曰經絡皆實是寸脉急而尺緩也當俱治之故曰滑則順瀉則逆夫虛實者皆從其物類始五藏骨肉滑利可以長久

從橫逆順伏匿脉第十一

問曰脉有相乘有從

仲景從字作縱字

有橫有逆有順何謂也師曰水

行乘火金行乘木名曰從火行乘水木行乘金名曰橫水行乘

金火行乘木名曰逆金行乘水木行乘火名曰順

經者脉有伏匿者伏匿於何藏而言伏匿也然謂陰陽更相乘

更相伏也脉居陰部反見陽脉者為陽乘陰也脉雖時沈澀而

短此陽中伏陰脉居陽部反見陰脉者為陰乘陽也脉雖時浮

滑而長此為陰中伏陽也重陰者瀕重陽者狂脫陽者見鬼脫

陰者目盲

辨災恠恐怖雜脉第十二

問曰脉有殘賊何謂師曰脉有絃有緊有濡有滑有浮有沈此六脉爲殘賊能與諸經作病

問曰嘗爲人所難緊脉何所從而來師曰假令亡汗若吐肺中寒故令緊假令欬者坐飲冷水故令緊假令下利者以胃中虛冷故令緊也

問曰翕奄沈名曰滑何謂師曰沈爲純陰翕爲二陽陰陽和合故脉滑也

問曰脉有災恠何謂師曰假令入病脉得太陽脉與病形證相應因爲作湯比還送湯之時病者因反大吐若下痢仲景痢病字作利病腹中痛因問言我前來脉時不見此證今反變異故是名爲災

性因問何緣作此吐痢荅曰或有先服藥今發作故爲惡災性也
問曰人病恐怖其脉何類師曰形脉如循絲累累然其面白脫色
問曰人媿者其脉何等類師曰其脉自浮而弱面形乍白乍赤
問曰人不飲其脉何類師曰其脉自濇而唇口乾燥也言遲者
風也搖頭言者其裏痛也行遲者其表彊也坐而伏者短氣也
坐而下一膝者必腰痛裏實護腹如懷卵者必心痛師持脉病
人欠者無病也脉之因伸者無病也一云伸者病也假令向壁卧聞師
到不驚起而目眄視而仰視若三言三止脉之咽唾此爲詐病
假令脉自和處言此病太重當須服吐下藥鍼灸數千百處乃愈

遲疾短長雜病法第十三

黃帝問曰余聞胃氣手少陽三焦四時五行脉法夫以言脉有
三陰三陽知病存亡脉外以知內尺寸大小願聞之岐伯曰寸

口之中外別浮沉前後左右虛實死生之要皆具于此中脉
從前來者為實邪從後來者為虛邪從所不勝來者為賊邪從
所勝來者為微邪自病得一作者為正邪外結者病癰腫內結者
病疝瘕也間來而急者病正在心癰氣也脉來疾者為風也脉
來滑者為病食也脉來滑躁者病有熱也脉來澀者為病寒濕
也脉逆順之道不與眾謀

師曰夫呼者脉之頭也初持之來疾去遲此為出疾入遲為內
虛外實初持脉來遲去疾此為出遲入疾為內實外虛也

脉數則在府遲則在藏脉長而弦病在肝扁鵲云肝病出於肝脉小血少

病在心扁鵲云心病出於心脉下堅上虛病在脾胃扁鵲云胃病出於脾胃脉滑

一作而微浮病在肺扁鵲云肺病出於肺脉大而堅病在腎扁鵲云腎病出於腎而緊脉滑

者多血少氣脉澀者少血多氣脉大者血氣俱多又云脉來大

而堅者血氣俱實脉小者血氣俱少又云脉來細而微者血氣

俱虛沈細滑疾者熱遲緊爲寒

又云俱數滑疾爲熱端遲沈細爲寒

脉盛滑緊者

病在外熱脉小實而緊者病在內冷脉小弱而濇者謂之久病

脉滑浮而疾者謂之新病脉浮滑其人外熱風走刺有飲難治

脉沈而緊上焦有熱下寒得冷即便下脉沈而細下焦有寒小

便數時苦絞痛下利重脉浮緊且滑直者外熱內冷不得大小

便脉洪大緊急病速進在外苦頭發熱癰腫脉細小緊急病速

進在中寒爲疝瘕積聚腹中刺痛脉沈重而直前絕者病血在

腸間脉沈重而中散者因寒食成瘕脉直前而中散絕者病消

渴

二云病後

脉沈重前不至寸口徘徊絕者病在肌肉遁於脉左

轉而沈重者氣癥陽在胃中脉右轉出不至寸口者內有肉癥

脉累累如貫珠不前至有風寒在經脈伏留不去脈聚中止

不至寸口軟者結熱在小腸膜中伏留不去脈直前左右彈者
病在血脈中肝血也脈後而左右彈者病在筋骨中也脈大後
小即頭痛目眩脈前小後大即胃滿短氣上部有脈下部無脈
其人當吐不吐者死上部無脈下部有脈雖困無所苦夫脈者
血之府也長則氣治短則氣病數則煩心大則病進上盛則氣
高下盛則氣脹代則氣衰細則氣少太素細作滑瀉則心痛渾渾革
革至如涌泉病進而危弊弊綿綿其去如絃絕者死短而急者
病在上長而緩者病在下沈而絃急者病在內浮而洪大者病
在表沈爲在裏

平人得病所起第十四

何以知春得病無肝脈也無心脈夏得病無肺脈秋得病無腎

脉冬得病無脾脉四季之月得病

假令肝病者丙行若食雞肉得之當以秋時發得病以庚辛日也家有腥死女子見之以明要爲災不者若感金銀物得之

假令脾病東行若食雉兔肉及諸木果實得之不者當以春時發得病以甲乙日也

假令心病北行若食豚魚得之不者當以冬時發得病以壬癸日也

假令肺病南行若食馬肉及麋鹿肉得之不者當以夏時發得病以丙丁日也

假令腎病中央若食牛肉及諸土中物得之不者當以土時發得病以戊己日也

假令得王脉當於縣官家得之

假令得相脉當於嫁娶家得之或相慶賀家得之

假令得胎脉當於產乳家得之

假令得囚脉當於囚徒家得之

假令得休脉其人素有宿病不治自愈

假令得死脉當於死喪家感傷得之

何以知人露卧得病陽中有陰也

何以知人夏月得病諸陽入陰也

何以知人食飲中毒淳之無陽微細之不可知也但有陰脉

來疾去疾此相爲水氣之毒也脉遲者食乾物得之

診病將差難已脉第五

問曰假令病人欲差脉而知愈何以別之

寸者

師曰寸關尺大小遲疾浮沈同等雖有寒熱不解者此脉陰陽爲平復當自愈

人病其寸口之脉與人迎之脉大小及浮沈者等病難已

新刊王氏脉經卷第一

[illegible]

新刊王氏脉經卷第二

朝散大夫守光祿卿其祕閣判院開檢院上護軍臣林億等類次

平三關陰陽二十四氣脉第一

平人迎神門氣口前後脉第二

平三關病候并治宜第三

平奇經八脉病第四

八脉為病五在十一經故以繫此卷之末

平三關陰陽二十四氣脉第一

左手關前寸口陽絕者無小腸脉也苦臍痺小腹中有疝瘕王

月

王字一本作五

即冷上搶心刺手心主經治陰心主在掌後橫理中

即太陵穴也

左手關前寸口陽實者小腸實也苦心下急痺一作急痛小腸有熱

小便赤黃刺手太陽經治陽一作手少陽者非太陽在手小指外側本

節節中即後谿宛也

左手關前寸口陰絕者無心脉也苦心下毒痛掌中熱時時善

嘔口中傷爛刺手太陽經治陽

左手關前寸口陰實者心實也苦心下有水氣憂恚發之刺手

心主經治陰

左手關上陽絕者無膽脉也若膝疼口中苦眯目善畏如見鬼

狀多驚少力刺足厥陰經治陰在足大指間即行間也或刺三毛中

左手關上陽實者膽實也苦腹中實不安身軀羸習也刺足少

陽經治陽在足上第二指本節後一寸第二指即臨泣也

左手關上陰絕者無肝脉也苦癢遺溺難言脅下有邪氣善吐

吐刺足少陽經治陽

左手關上陰實者肝實也苦肉中痛動善轉筋刺足厥陰經治陰
左手關後尺中陽絕者無膀胱脉也苦逆冷婦人月使不調王
月則閉男子失精尿有餘瀝刺足少陰經治陰在足內踝下動

脉即太谿
穴也

左手關後尺中陽實者膀胱實也苦逆冷脊下有邪氣相引痛
刺足太陽經治陽在足小指外側本節後陷中即束骨
穴也

左手關後尺中陰絕者無腎脉也苦足下熱兩髀裏急精氣竭
少勞倦所致刺足太陽經治陽

左手關後尺中陰實者腎實也苦恍惚健忘目視眊眊耳聾悵
悵善鳴刺足少陰經治陰

右手關前寸口陽絕者無大腸脉也苦少氣心下有水氣立秋
節即欬刺手太陰經治陰在魚際間即太谿
穴也

右手關前寸口陽實者大腸實也苦腸中切痛如錐刀所刺無

休息時刺手陽明經治陽在手腕中

即陽谿穴也

右手關前寸口陰絕者無肺脉也苦短氣欬逆喉中寒噫逆刺手陽明經治陽

右手關前寸口陰實者肺實也苦少氣胃中滿彭彭與肩相引刺手太陰經治陰

右手關上陽絕者無胃脉也苦吞酸頭痛胃中有冷刺足太陰

經治陰在足大指本節後一寸

即公孫穴也

右手關上陽實者胃實也苦腸中伏伏

一作幅幅

不思食物得食不

能消刺足陽明經治陽在足上動脉

即衝陽穴也

右手關上陰絕者無脾脉也苦心氣下利腹滿身重四肢不欲

動善嘔刺足陽明經治陽

右手關上陰實者脾實也苦腸中伏伏如堅狀大便難刺足太陰經治陰

右手關後尺中陽絕者無子戶脉也苦足逆寒絕產帶下無子陰中寒刺足少陰經治陰

右手關後尺中陽實者膀胱實也苦少腹滿引腰痛刺足太陽經治陽

右手關後尺中陰絕者無腎脉也苦足逆冷上搶脊痛夢入水見鬼善厭寐黑色物來掩人上刺足太陽經治陽

右手關後尺中陰實者腎實也苦骨疼腰脊痛內寒熱刺足少陰經治陰

右脉二十四氣事

平人迎神門氣口前後脉第二

心實

左手寸口人迎以前脉陰實者手厥陰經也病苦閉大便秘利
腹滿四肢重身熱苦胃脹刺三里

心虛

左手寸口人迎以前脉陰虛者手厥陰經也病苦悸恐不樂心
腹痛難以言心如寒狀恍惚

小腸實

左手寸口人迎以前脉陽實者手太陽經也病苦身熱熱來去
汗出一作汗不出而煩心中滿身重口中生瘡

小腸虛

左手寸口人迎以前脉陽虛者手太陽經也病苦顙際偏頭痛
耳煩痛

心小腸俱實

左手寸口人迎以前脉陰陽俱實者手少陰與太陽經俱實也
病苦頭痛身熱大便難心腹煩滿不得卧以胃氣不轉水穀實也
心小腸俱虛

左手寸口人迎以前脉陰陽俱虛者手少陰與太陽經俱虛也
病苦洞泄苦寒少氣四肢寒腸辟

肝實

左手關上脉陰實者足厥陰經也病苦心下堅滿常兩脅痛目
忿忿如怒狀

肝虛

左手關上脉陰虛者足厥陰經也病苦脅下堅寒熱腹滿不欲
飲食腹脹怫怫不樂婦人月經不利腰腹痛

膽實

左手關上脉陽實者足少陽經也病苦腹中氣滿飲食不下咽
乾頭重痛洒洒惡寒脇痛

膽虛

左手關上脉陽虛者足少陽經也病苦眩厥痿足指不能搖動
坐不能起僵仆目黃失精眊眊

肝膽俱實

左手關上脉陰陽俱實者足厥陰與少陽經俱實也病苦胃脹
嘔逆食不消

肝膽俱虛

左手關上脉陰陽俱虛者足厥陰與少陽經俱虛也病苦恍惚
尸厥不知人妄見少氣不能言時時自驚

腎實

左手尺中神門以後脉陰實者足少陰經也病苦膀胱脹閉少腹與腰脊相引痛

左手尺中神門以後脉陰實者足少陰經也病苦舌燥咽腫心煩噤乾骨脇時痛喘欬汗出小腹脹滿腰背彊急體重骨熱小便赤黃好怒好忘足下熱疼四肢黑耳聾

腎虛

左手尺中神門以後脉陰虛者足少陰經也病苦心中悶下重足腫不可以按地

膀胱實

左手尺中神門以後脉陽實者足太陽經也病苦逆滿腰中痛不可俛仰勞也

膀胱虛

左手尺中神門以後脉陽虛者是太陽經也痛苦脚中筋急腰中痛引腰背不可屈伸轉筋惡風偏枯腰痛外踝後痛

腎膀胱俱實

左手尺中神門以後脉陰陽俱實者是少陰與太陽經俱實也痛苦脊彊反折戴眼氣上搶心脊痛不能自反側

腎膀胱俱虛

左手尺中神門以後脉陰陽俱虛者是少陰與太陽經俱虛也痛苦小便利心痛背寒時時少腹滿

肺實

右手寸口氣口以前脉陰實者手太陰經也痛苦肺脹汗出若露上氣喘逆咽中塞如欲嘔狀

肺虛

右手寸口氣口以前脉陰虛者手太陰經也病苦少氣不足以息噓乾不朝津液

大腸實

右手寸口氣口以前脉陽實者手陽明經也病苦腹滿善喘欬面赤身熱喉咽一作中如核狀

大腸虛

右手寸口氣口以前脉陽虛者手陽明經也病苦胃中喘腸鳴虛渴唇口乾目急善驚泄白

肺大腸俱實

右手寸口氣口以前脉陰陽俱實者手太陰與陽明經俱實虛病苦頭痛目眩驚狂喉痺痛手臂捲唇吻不收

肺大腸俱虛

右手寸口氣口以前脉陰陽俱虛者手太陰與陽明經俱虛也
病苦耳鳴嘈嘈時妄見光明情中不樂或如恐怖

脾實

右手關上脉陰實者足太陰經也病苦足寒脛熱腹脹滿煩擾
不得卧

脾虛

右手關上脉陰虛者足太陰經也病苦泄注腹滿氣逆霍亂嘔
吐黃疸心煩不得卧腸鳴

胃實

右手關上脉陽實者足陽明經也病苦腹中堅痛而熱千金作痛
汗不出如溫瘧唇口乾善噦乳癰缺盆腋下腫痛

胃虛

右手關上脉陽虛者足陽明經也病苦脛寒不得卧惡寒洒洒
目急腹中痛虛鳴耳虛鳴時寒時熱唇口乾面目浮腫

脾胃俱實

右手關上脉陰陽俱實者足太陰與陽明經俱實也病苦脾脹
腹堅搶脇下痛胃氣不轉大便難時反泄利腹中痛上衝肺肝
動五藏立喘喘多驚身熱汗不出喉痺精少

脾胃俱虛

右手關上脉陰陽俱虛者足太陰與陽明經俱虛也病苦胃中
如空狀少氣不足以息四逆寒泄注不已

腎實

右手尺中神門以後脉陰實者足少陰經也病苦痺身熱心痛

脊脇相引痛足逆熱煩

腎虛

右手尺中神門以後脈陰虛者足少陰經也病苦足脛小弱惡風寒脈代絕時不至足寒上重下輕行不可以按地少腹脹滿上搶脅痛引肋下

膀胱實

右手尺中神門以後脈陽實者足太陽經也病苦轉胞不得小便頭眩痛煩滿脊背彊

膀胱虛

右手尺中神門以後脈陽虛者足太陽經也病苦肌肉振動脚中筋急耳聾忽忽不聞惡風颼颼作聲

腎膀胱俱實

右手尺中神門以後脉陰陽俱實者足少陰與太陽經俱實也
病苦癩瘰頭重與目相引痛厥欲起走反眼大風多汗

腎膀胱俱虛

右手尺中神門以後脉陰陽俱虛者足少陰與太陽經俱虛也
病苦心痛若下重不自收篡反出時時苦澀泄寒中泄腎心俱
痛○一說云腎有左右而膀胱無二今用當以左腎合膀胱右
腎合三焦

平三關病候并治宜第三

寸口脉浮中風發熱頭痛宜服桂枝湯葛根湯針風池風府向
火灸身摩治風膏覆令汗出

寸口脉緊苦頭痛骨肉疼是傷寒宜服麻黃湯發汗針眉衝顙
顙摩治傷寒膏

寸口脉微者寒為助宜服五味子湯摩氣通膏令汗出

寸口脉數即為吐以有熱在胃管中宜服藥吐之及針胃管服除熱湯若是傷寒七八日至十日熱在中煩滿渴者宜服知母湯

寸口脉緩皮膚不仁風寒在肌肉宜服防風湯以藥薄熨之摩以風膏灸諸治風穴

寸口脉滑陽實管中壅滿吐逆宜服前胡湯針太陽巨闕瀉之寸口脉絃心下幅幅微頭痛心下有水氣宜服甘遂圓針期門瀉之

寸口脉弱陽氣虛自汗出而短氣宜服茯苓湯內補散適飲食消息勿極勞針胃管補之

寸口脉澀是胃氣不足宜服乾地黄湯自養調和飲食針三里

補之三里一
作胃管

寸口脉孔吐血微孔者衄血空虚去血故也宜服竹皮湯黃土湯灸臍中

寸口脉伏管中逆氣噎塞不通是胃中冷氣上衝心宜服前胡湯大三建圓針巨闕上管灸臍中

寸口脉沉管中引為痛管中有水氣宜服澤漆湯針巨闕瀉之寸口脉濡陽氣弱自汗出是虛損病宜服乾地黄湯著預圓內補散蠟散并粉針太衝補之

寸口脉遲上焦有寒心痛咽酸吐酸水宜服附子湯生薑湯調和飲食以煖之

寸口脉實即生熱在脾肺嘔逆氣塞虛即生寒在脾胃食不消此有熱即宜服枳實湯為根湯有寒宜服桂枝湯

寸口脉細發熱吸吐宜服黃芩龍膽湯吐不止宜服續命皮桔梗湯灸中府

寸口脉洪大胃脇滿宜服生薑湯白薇圓亦可紫苑湯下之針上管期門章門

右上部寸口十七條

關脉浮腹滿不欲食浮為虛滿宜服平胃圓茯苓湯生薑前胡湯針胃管先瀉後補之

關脉緊心下苦滿急痛脉緊者為實宜服茱萸黃芩湯又大黃湯兩治之良針巨闕下管瀉之

千金云服茱萸黃芩湯又加黃芩二兩佳

關脉微胃中冷心下拘急宜服附子湯生薑湯附子圓針巨闕補之

關脉數胃中有客熱宜服知母圓除熱湯針巨闕上管瀉之

關脉緩其人不欲食此胃氣不調脾胃不足宜服平胃圓補脾湯針章門補之

關脉滑胃中有熱滑為熱實以氣滿故不欲食食即吐逆宜服紫苑湯下之大平胃圓針胃管瀉之

千金云宜服朴消
麻黃湯平胃圓

關脉絃胃中有寒心喜厥逆此以胃氣虛故爾宜服茱萸湯溫調飲食針胃管補之

關脉弱胃氣虛胃中有客熱脉弱為虛熱作病其說云有熱不可大攻之熱去則寒起正宜服竹葉湯針胃管補之

關脉澀血氣逆冷脉澀為血虛以中焦有微熱宜服乾地黄湯內補散針足太衝上補之

關脉芤大便去血數斗者以腸輸傷故也宜服生地黃并生竹葉湯麻黃湯若下血者針關既盡者宜服龍薤圓以散熱

關脉伏中焦有水氣漉泄宜服水銀圓針關元利小便漉泄便止
關脉沈心下有冷氣苦滿吞酸宜服白薇茯苓圓附子湯針胃
宮補之

關脉濡苦虛冷脾氣弱重下病宜服赤石脂湯女萎圓針關元
補之

關脉遲胃中寒宜服桂枝圓茱萸湯針胃管補之

關脉實胃中痛宜服施子湯茱萸烏頭圓針胃管補之

關脉牢脾胃氣寒盛熱即腹滿響響宜服紫苑圓瀉脾圓針灸
胃管瀉之

關脉細虛腹滿宜服生薑茱萸湯白薇圓針灸三管
關脉洪胃中熱必煩滿宜服平胃圓針胃管先瀉後補之

右中部關脉十八條

尺脉浮下熱風小便難宜服瞿麥湯滑石散針橫骨關元瀉之

尺脉緊臍下痛宜服當歸湯灸天樞針關元補之

尺脉微厥逆小腹中拘急有寒氣宜服小建中湯

一本更有針四順湯

尺脉數惡寒臍下熱痛小便赤黃宜服雞子湯白魚散針橫骨

瀉之
尺脉緩脚弱下腫小便難有餘瀝宜服滑石湯瞿麥散針橫骨

瀉之
尺脉滑血氣實婦人經脉不利男子尿血宜服朴消煎大黃湯

下去經血鍼關元瀉之
尺脉絃小腹疼小腹及脚中拘急宜服建中湯當歸湯針血海

瀉之

尺脉弱陽氣少發熱煩宜服前胡湯乾地黄湯茯苓湯針關元補之

尺脉瀦足脛逆冷小便赤宜服附子四逆湯針足大衝補之

尺脉芤下焦虛小便去血宜服竹皮生地黃湯灸丹田關元亦針補之

尺脉伏小腹痛癥疝水穀不化宜服大平胃圓桔梗圓針關元補之枯梗圓一云結腸圓

尺脉沈腰背痛宜服腎氣圓針京門補之

尺脉濡苦小便難千金云不風痺宜服瞿麥湯白魚散針關元瀉之

尺脉遲下焦有寒宜服桂枝圓針氣海關元補之

尺脉實小腹痛小便不禁宜服當歸湯加大黃一兩以利大便

針關元補之止小便

尺脉掌腰滿陰中急宜服葶藶葶藶葉莖圓針升日關元中極

右下部尺脉十六條

平奇經八脉病第四

脉有奇經八脉者何謂也然有陽維陰維有陽蹻陰蹻有衝有督有任有帶之脉凡此八脉者皆不拘於經故曰奇經八脉也經有十二絡有十五凡二十七氣相隨上下何獨不拘於經也然聖人圖設溝渠通利水道以備不虞天雨降下溝渠溢滿滂沛妄行當此之時聖人不能復圖也此絡脉流溢諸經不能復拘也

奇經八脉者既不拘於十二經皆何起何繫也然陽維者起於諸陽之會陰維者起於諸陰之交陽維陰維者維絡于身溢畜不能環流既灌諸經者也陽蹻者起於眼中循外廉而上循

風池陰蹻者亦起於跟中循內踝而上行至咽喉交貫衝腦衝

脉者起於關元循腹裏直上至咽喉中一云衝脉者起於氣衝

而散也督脉者起於下極之輸並於脊裏循脊上至風府衝腠

者陰脉之海也督脉者陽脉之海也任脉者起於胞門子戶夾

臍上行至胃中一云任脉者起於中極之下以咽喉帶脉者起於季

肋難經作廻身一周此八者皆不繫於十二經故曰奇經八脉

者也奇經之為病何如然陽維維於陽陰維維於陰陰陽不能

相維悵然失志容容難經作不能自收持悵然者其人驚即維

言不收持即失志陽維為病苦寒熱陰維為病苦心痛陽維為病苦寒熱

陰維為病苦寒熱陰蹻為病陽緩而陰急陰蹻為病陽緩而陰急

以生急陽蹻為病陰緩而陽急陽蹻為病陰緩而陽急

衝之為病逆氣而裏急衝之為病逆氣而裏急

強而厥腎脈在背病即其任之為病其內苦結男子為七疝女
子為瘕聚其病結為七疝聚帶之為病苦腰滿腰容容難
病也若坐水中狀則其脈緩故令腰容容也此奇經八脉之為

診得陽維脉浮者鼈起目眩陽盛實苦有息洒洒如寒

診得陰維脉沈大而實者苦脊中痛脇下支滿心痛

診得陰維如貫珠者男子兩脇實腰中痛女子陰中痛如有瘕狀

診得帶脉左右遶臍腰脊痛衝陰股也

兩手脉浮之俱有陽沈之俱有陰陰陽皆實盛者此為衝督之

脉也衝督之脉者十二經之道路也衝督用事則十二經不復

朝於寸口其人皆苦恍惚狂疑不者必當由豫有兩心也兩手

陽脉浮而細微綿綿不可知俱有陰脉亦獲細綿綿此為陰陽

陽蹻之脉也此家曾有病鬼魅風死苦恍惚亡人爲禍也
診得陽蹻病拘急陰蹻病緩

尺寸俱浮直上直下此爲督脉腰脊強病不得俛仰大人癰病
小兒風癰疾

脉來中央浮直上下痛者督脉也動苦腰背膝寒大人癰小兒
癰也灸頂上三圓正當頂上

尺寸脉俱牢一作直上直下此爲衝脉脊中有寒病也

脉來中央堅實徑至關者衝脉也動苦少腹痛上搶心有瘕病
絕孕遺失溺脇支滿煩也橫寸口邊九九此爲任脉苦腹中有
氣如指上搶心不得俛仰拘急脉來緊細實長至關者任脉也
動苦少腹繞臍下引橫骨陰中切痛取臍下三寸

新刊王氏脉經卷第二

新刊王氏脈經卷第三

朝散奉光祿卿直秘閣判登聞檢院上護軍臣林億等類次

肝膽部第一

心小腸部第二

脾胃部第三

肺大腸部第四

膀胱部第五

肝膽部第一

肝象木

肝於五

與膽合為府

膽為清

其經足厥陰

肝脈陰

與足少

陽為表裏

少陽陽也

其脈絃大形也

其相冬三月水

其相冬三月水

其相冬三月水

其相冬三月水

相木

王春三月

夏三月

秋三月

冬三月

春三月

夏三月

秋三月

冬三月

月秋金王其王日甲乙主時平旦日出也並木其困日戌己困時

食時日庚其死日庚辛死時哺時日入也並金其神魂肝之

其主色其養筋其候目肝候目其聲呼其色青

其臭臊其臭其液泣其味酸其宜苦其惡辛

肝俞在背第九椎募在期門直乳下膽俞在背第十椎募在

日月沉在期門

右新撰並出素問諸經背人腧集成或混雜相涉煩

冬至之後得甲子少陽起於夜半肝家王冬至者歲終之節甲子日者陰陽更始之

數也少陽騰也騰者木也生於水故起夜半肝者東方木肝為

其氣常微少故言少陽云夜半子者水也

藏府故王東方應木行也萬物始生其氣來稟而弱寬而虛春少陽氣溫相

生故脉為絃肝氣養於筋故其脉也稟即不可發汗弱即不可下

寬者開開者通通者利故名曰寬而虛言少陽始起尚稟弱人

出_利不止不可下下之而此春以胃氣為本不可犯也胃者土也萬物稟土

右四時經

黃帝問曰春脉如絃何如而絃岐伯曰春脉肝也東方木也萬物之所以始生也故其氣來濡弱輕虛而滑端直以長故曰絃反此者病黃帝曰何如而反岐伯曰其氣來實而強此謂太過病在外其氣來不實而微此謂不及病在中黃帝曰春脉太過與不及其病皆何如岐伯曰太過則令人善忘忘當作怒忽眩冒而顛疾不及則令人胷脇痛引背下則兩脇脹滿黃帝曰善肝脉來濡弱招招如揭竿末梢曰平集源云絃三如按琴瑟以胃氣為本肝脉來盈實而滑如循長竿曰肝病肝脉來急而益勁如新張弓弦曰肝死

真肝脉至中外急如循刀刃青黃然然如按琴瑟絃色青
白不澤毛折乃死

春胃微絃曰平絃多胃少曰肝病但絃無胃曰死有胃而毛曰
秋病毛甚曰令病

肝藏血血舍魂悲哀動中則傷魂魂傷則狂妄不精不敢正當
人其精不敢正當人一作陰縮而筋攣兩脇骨不舉毛悴色天

死于秋

春肝木王其脉絃細而長名曰平脉也反得浮濇而短者千金
是肺之乘肝金之刻木為賊邪大逆十死不治一本云日

三忌反得洪大而散者千金云浮是心之乘肝子之扶母為實

邪雖病自愈反得沈濡而滑者是腎之乘肝母之歸子為虛邪
雖病易治反得大而緩者是脾之乘肝土之陵木為微邪雖病

即差肝脉來濯濯如倚竿如瑟瑟之絃再至曰平三至曰離經
病四至脫精五至死六至命盡足厥陰脉也肝脉急甚為惡言
微急為肥氣在脇下若覆杯緩甚為善嘔微緩為水瘕痺大甚
為內癰善嘔衄微大為肝痺縮然引少腹小甚為多飲微小為
消痺滑甚為頰疝微滑為遺溺瀉甚為淡飲微瀉為瘕瘕攣筋
足厥陰氣絕則筋縮引卵與舌厥陰者肝脉也肝者筋之合也
筋者聚於陰器而脉絡於舌本故脉弗管則筋縮急筋縮急則
引舌與卵故唇青舌卷卵縮則筋先死庚篤辛死金勝木也
肝死藏浮之脉弱按之中如索不來或曲如蛇行者死

右素問鍼經張仲景

心小腸部第二

心象火與小腸合為府心為火之府其經手少陰心經

陽為表裏

手太陽小腸脈也

其脈洪

洪大

其稍春

三月

木旺

夏三

月廢季夏六月囚秋七月

金旺

死冬三月

水旺

其王日丙丁王

時禺中日中其困日庚辛困時晡時日入其死日壬癸死時人

定夜半其藏神

心之所藏

其王臭其養血

心氣所

其喉舌其聲

言

言由心出故主言

其色赤其臭焦

其液汗其味苦

其宜甘

其味也

其惡

鹹

鹹腎也

心俞在背第五椎

或云第七椎

募在巨闕

在心下一寸

小腸俞在

背第十八椎募在關元

臍下三寸

右新撰

心者南方火

心主血其色赤故以萬物洪盛垂枝布葉皆下垂

如曲故名曰鈎

心王之時太陽用事故草木茂盛

心脈洪大而

長洪則衛氣實實則氣無從出

脈洪者衛氣實衛氣實則

大則

榮氣萌萌洪相薄可以發汗故名曰長

榮者血也萌萌當為明字

誤耳血王故明且大

也奈明衛實當須發動通其津液也長洪相得即引水漿既灌經絡津液皮膚

陽氣盛故其人引水漿潤澤肌膚以太陽洪大皆是母軀幸得

養皮毛他草木須雨澤以長枝葉戊己用牢根株到夏洪盛者曰太陽故言是母軀也戊己土也

土為火子火王即土相效用牢根株也陽氣上出汗見於頭五月枯薶胞中空虛

整反下之此為重虛也內字以月由來遠矣遂以傳焉人頭者

諸陽之會夏時飲冰漿是以上山為汗先從頭流於身軀以實其表

是以五內乾枯燥則脫也是腎不曉故反

下之令重虛也反脉浮有表無裏陽無所使汗而反下之損於

陰氣陽為表陰為裏經言陽為陰使陰為陽守相須而行不但

脉浮故無裏也治之錯逆故令陰陽離別不能復相朝使不但

危身并中其母言下之不但傷心并懷中肝

右四時經

黃帝問曰夏脉如鈞何如而鈞岐伯曰夏脉心也南方火也萬

物之所以盛長也故其氣來盛去衰曰鈞反此者病黃帝曰

何如而反歧伯曰其氣來盛去亦盛此謂太過病在外其來不盛去反盛此謂不及病在中黃帝曰夏脉太過與不及其病皆何如歧伯曰太過則令人身熱而膚痛爲浸淫不及則令人煩心上見欬唾下爲氣泄帝曰善

心脉來累累如連珠如循琅玕曰平夏以胃氣爲本心脉來喘喘_{艸部}累_作連屬其中微曲曰心病心脉來前曲後居如操帶鉤曰心死

真心脉至堅而搏如循薏苡子累累然其色赤黑不澤毛折乃死夏胃微鉤曰平鉤多胃少曰心病但鉤無胃曰死胃而有石曰冬病石甚曰今病

心藏脉脉舍神怵惕思慮則傷神神傷則恐懼自失破胸脫肉毛悴色夭死于冬

夏心火王其脉洪

千金作滑大而洪

大而散名曰平脉反得沈濡而滑

者是腎之乘心水之刻火為賊邪大逆十死不治

一本云日月年數至二忌

狂反得大而緩者是脾之乘心子之扶母為實邪雖病自愈反

得絃細而長者是肝之乘心母之歸子為虛邪雖病易治反得

作微

滑而短者是肺之乘心金之陵火為微邪雖病即差

心脉來累累如貫珠滑利再至曰平三至曰離經病四至脫精

五至死六至命盡手少陰脉也

心脉急甚為瘕瘕微急為心痛引背食不下緩甚為狂笑微緩

為伏梁在心下上下行時唾血大甚為喉介微大為心痺引背

善淚出小甚為善噦微小為消瘴滑甚為善渴微滑為心疝引

臍少腹鳴瀉甚為瘕微瀉為血溢維厥耳鳴顛疾手少陰氣絕

則脉不通少陰者心脉也心者脉之合也脉不通則血不流矣

不流則髮色不澤故其面黑如漆紫者血先死壬癸死水勝火也

心死藏浮之脉實如豆麻擊手按之益躁疾者死

右素問鍼經張仲景

脾胃部第三

脾象土與胃合為府胃為水其經足太陰太陰脾之脉也與足陽明為

表裏陽明其脉緩大形也其相夏三月土相王季夏六月廢

秋三月囚冬三月死春三月其王日戊己王時食時日昃困日

壬癸困時人定夜半其死日甲乙死時平日日出並木其神意

其主味其養肉其候口其聲歌其色黃其臭香其液涎其味甘

其宜辛其惡酸脾俞在背第十一椎募在臍門是助胃俞在背

第十二椎募在太倉

右新撰

脾者土也敦而福敦者厚也萬物衆色不同脾主水穀其氣微

土行王於季夏土性敦厚育養萬物當此之時草木備具枝葉茂盛種類衆多或有黃赤白黑色各不同矣故名曰

得福者廣土生養萬物當此之時脾則萬物懸根住莖其葉在

巔蛸蜚蠕動蚊蠅喘息皆蒙土恩則根住莖草木之類也其次

變化而生者也喘息有氣脈之類也言普天之下草木昆蟲無不蒙土之恩福也德則為緩恩則為遲

故令太陰脉緩而遲尺寸不同大陰脾也言脾王之時脉緩而

酸鹹苦辛大一作沙又作妙而生互行其時而以各行皆不群

行盡可常服肝酸腎鹹心苦脾辛皆四藏之味也脾主調和

又作脾達於肌肉之中互行人身軀乃復各行隨其四支使共

氣周匝榮諸藏府以養皮毛皆不群行至一處也故言各可常

服土寒則溫土熱則涼冬陽氣在下土中清涼脾氣亦然土有一子

名之曰金懷挾抱之不離其身金乃畏火恐熱來乘遂棄其母

逃歸水中水自金子而藏火神閉塞戶內外不通此謂冬時

也陽氣在中陽為火行金性畏火故恐熏之金歸水中而避火

也母子相得益盛閉塞不通者言水氣充實金在其中此為

強固人無復得往刻土土其子其氣衰微水為洋溢浸漬為泄

一作走擊皮膚面目浮腫歸於四肌此為脾之衰損土以防水

其地而愚醫見水直往下之虛脾空胃水遂居之肺為喘浮脾病

妄行宜扶養其氣通利水道愚醫不曉而往下之此為重傷水氣遂更陵之上侵骨中肺得水而浮言喘浮肝反畏肺

故下沈沒肺金肝木此為相刻肺浮則實下有荆棘恐傷其身

避在一邊以為水流其身脾也脾為土土畏木是以避在一

邊避木也水流者水之流路也土本刻水而今微弱又復觸木無復制水故水得流行

心衰則伏肝微則沈故令脉伏而沈氣則實刻於肝心故令二藏衰微脉為沈伏

也工醫求占固轉孔穴利其洩便遂通水道甘液下流亭其陰

陽喘息則微汗出正流肝著其根心氣因起陽行四肌肺氣亭

亭喘息則安

轉孔穴者謂藏之於井轉治其順其液脾之津液

得不起肺氣平則故言亭亡此為端好之類腎為安聲其味為鹹

肺主舌腎為其子助於倚坐母敗滲臭如腥金為水母而歸水

肺故言安聲鹹腎味也而相刻賊倚土得其子則成為山金得其

母名曰丘矣

右四時經

黃帝曰四時之序逆順之變異也然脾脉獨何主歧伯曰脾者土也孤藏以灌四傍者也曰然則脾善惡可得見乎曰善者不可見惡者可見曰惡者何如曰其來如水之流者此謂太過病在外如鳥之喙此謂不及病在中太過則令人四肢沉重不舉其不及則令人九竅雍塞不通名曰重強

脾脉來而和柔相離如雞足鼓地曰柔長夏以胃氣養脾脉

來實而盈數如雞舉足曰脾病脾脉來堅兌如鳥之喙如鳥之距如釜之漏如水之溜曰脾死真脾脉至弱而乍疎乍散一作熱色青黃不澤毛折乃死

長夏胃微濡弱曰平弱多胃少曰脾病但代無胃曰死濡弱有石曰冬病石甚曰今病

脾藏榮榮舍意愁憂不解則傷意意傷則悶亂四肢不舉毛悴色夭死于春

六月季夏建未坤未之間土之位脾王之時其脉大阿阿而緩名曰平脉反得絃細而長者是肝之乘脾木之刻土為賊邪大逆十死不治反得浮滑金清濇而短者是肺之乘脾子之扶母為實邪雖病自愈反得洪大而散者金清大而洪是心之乘脾母之歸子為虛邪雖湯治反得沈濡而滑者腎之乘脾水之陵

土為微邪雖病即差

脾脈甚長而弱

千金長二作長二

來疎去數再至曰平三至曰離經病

四至脫精五至死六至命盡足太陰脈也脾脈急甚為癰癧微急為脾中滿食飲入而還出後沃沫緩甚為痿厥微緩為風痿四肢不用心慧然若無病大甚為擊仆微大為痞氣裏太膿血在腸胃之外小甚為寒熱微小為消痺滑甚為頰癰微滑為蟲毒虵腸鳴熱瀦甚為腸頰微瀦為內瀦多下膿血也足太陰氣絕則脈不營其口脣口脣者肌肉之本也脈不營則肌肉濡肌肉濡則人中滿人中滿則脣反脣反者肉先死甲篤乙死木勝土也

脾死藏浮之脈大緩

堅作

按之中如覆杯絮絮狀如繡者死

熱三狀
無於肉

右素問鍼經張仲景

肺大腸部第四

肺象金與大腸合為府大腸為傳導之府也其經手太陰手太陰肺脈也與手陽

明為表裏手陽明大腸脈也其脈浮浮肺脈之其相季夏六月季夏土旺金相

其王秋三月廢冬三月囚春三月死夏三月夏火王金死其王日庚

辛王時晡時日入其困日甲乙困時平旦日出其死日丙丁死

時禺中日中其神魄其主聲其養皮毛其候鼻其聲哭其色白

其臭腥其液涕其味辛其宜鹹其惡苦肺俞在背第三椎或云第五

也肺募在中府直兩乳上大腸俞在背第十六椎募在天樞俠臍旁各

半一寸

右新撰

肺者西方金萬物之所終金性剛故王西方割斷萬物是以皆終於秋也宿葉落柯

義枝條其杌然獨在其脉為微浮毛衛氣達言草木宿

葉得秋隨風而落但有枝條杌然獨言草木宿

在此時陽氣則達脉為微浮毛也榮氣數數則在上達則在

下故名曰毛諸陽脉數諸陰脉達榮為陰不應數反言榮氣數

時陰始用事陽即下藏其氣陰得秋節而昇轉在陽位故一時數而在上也此

反達是以肺脉數散如毛也陽當陷而不陷陰當昇而不昇為

邪所中陰陽交易則不以時定陽中邪則捲陰中邪則緊捲

則惡寒緊則為慄寒慄相薄故名曰瘡弱則發熱浮乃來出者

其人物攝也緊者脉緊也此謂初中風寒之時脉緊其人則寒

寒止而脉更微弱弱則其人發熱熱止則脉浮浮者瘡解王脉

也旦中日發暮中暮發言瘡發皆隨其初藏有遠近脉有遲疾

肩有度數行有漏刻藏謂人五藏肝心脾肺腎也心脉在膈上

自則也下吸則其氣入是為遠也吸為陰其脉遲度數謂經脉之

匿來也秋則陽氣達陰氣數遲當在下數當在上隨節交故言陽主

人之皮毛肺氣所行下焦在臍下陰之所治也其脉應

遷今反數故言傷下焦中焦脾也其平善之陽氣下陷陰氣則
時脈常自不見衰乃見耳故云有惡則見也陽氣下陷陰氣則
溫言陽氣下陷陽反在下陰反在顛故名曰長而且留陰陽交
時節人血脈和平
言可長留竟一時

右四時經

黃帝問曰秋脈如浮何如而浮歧伯對曰秋脈肺也西方金也
萬物之所以收成也故其氣來輕虛而浮其氣來急去散故曰
浮反此者病黃帝曰何如而反歧伯曰其氣來毛而中央堅兩
傍虛此謂太過病在外其氣來毛而微此謂不及病在中黃帝
曰秋脈太過與不及其病何如歧伯曰太過則令人氣逆而背
痛溫溫內經溫溫然不及則令人喘呼吸少氣而欬上氣見血
下聞病音

肺脉來厭厭難經云厭如落榆莢曰肺平秋以胃氣為本厭厭如

循榆葉曰春平脈謫謫如車蓋按之益大曰秋平脈肺來不上不下如循雞羽曰肺病

不字肺來如物之浮如風吹毛曰肺死

真肺脈至大而虛如以毛羽中人膚色赤白不澤毛折乃死秋胃微毛曰平毛多胃少曰肺病但毛無胃曰死毛而有絃曰春

病絃甚曰今病

肺藏氣氣舍魄喜樂無極則傷魄魄傷則狂狂者意不存人皮

華焦毛悴色夭死于夏秋金肺王其脈浮千金浮濇而短曰平

脈反得洪大而散者千金作浮是心之乘肺火之刻金為賊邪

大逆十死不治一本云日月年數至四忌丙丁反得沈濡而滑者是腎之乘肺

子之扶母為實邪雖病自愈反得大而緩者是脾之乘肺母之

歸子為虛邪雖病易治反得絃細而長者肝之乘肺木之陵

金為虛邪雖病即差肺脈來沈沈輕如微風吹鳥背上毛皆至

曰平三至曰離經病四至脫精五至死六至命盡手太陰脈也
肺脈急甚爲癰疾微急爲肺寒熱急墮欬唾血引腰背骨苦鼻
息肉不通緩甚爲多汗微緩爲痿痺風_{一作漏}頭以下汗出不可
止大甚爲脰腫微汗爲肺痺引脅起腰肉小甚爲殭油微小
爲消痺滑甚爲息責上氣微滑爲上下出血瀉甚爲嘔血微瀉
爲鼠瘻在頸支掖之間下不勝其上其能喜酸

手太陰氣絕則皮毛焦太陰者行氣溫皮毛者也氣弗營則皮
毛焦皮毛焦則津液去津液去則皮節傷皮節傷者則爪_{一作小}
皮枯毛折毛折者則氣_{氣字一作毛}先死丙篤丁死火勝金也
肺死藏浮之虛按之弱如蔥葉下無根者死

右素問鍼經張仲景

腎膀胱部第五

腎象水與膀胱合為府膀胱為腎之府其經是少陰足少陰經也與足太

陽為表裏足太陽膀胱也其脉沈沈腎脉之形也其相秋三月秋金主其

王冬三月廢春三月囚夏三月其死季夏六月其王日壬癸王

時人定夜半其困日丙丁困時禺中日中其死日戊己死時食

時日昃其神志腎之所藏者志也其主液其養骨其候耳其聲呻其色

黑其臭腐其液唾其味鹹其宜酸其惡甘腎俞在背第十四椎

募在京門膀胱俞在第十九椎募在中極橫骨上一寸在臍下五寸前陷者中

右新撰

腎者北方水万物之所藏冬則北方用事王在三時之後腎在

長秋收冬藏百蟲伏蟄冬伏蟄不食之陽氣下陷陰氣上升陽氣中

出陰氣烈為霜遂不上昇化為雪霜猛獸伏蟄蟄蟲匿藏陽氣

者謂降於上中也其氣越而上昇出陰氣在上冬成無陽氣

出而不能自致因而化作霜雪或謂陽氣中出是十月陽氣

得伏蟄者主陽氣所在如北逆水霜自溫養也其脉為沈

沈為陰在裏不可發汗發則蠹蟲出見其霜雪陽氣在下故冬

府此為裏實而表虛復從外發其汗此為逆治非其法也諸

虫伏蟄之時而反出上見於冰霜必死不疑逆治者死此之謂

也陰氣在表陽氣在藏慎不可下下之者傷脾脾土弱即水氣

妄行陽氣在下溫養諸藏故不可下也下之既損於陽氣而脾

下之者如魚出水蛾入湯言病逆則殺人如魚出湯水蛾入湯火之中立死重客在裏

慎不可熏熏之逆客其息則喘重客者猶陽氣也重者尊重之

下非其常所故言客也重謂燒鍼及以湯火之重熏發其汗如

此則客熱從外入為陽氣相薄是為逆也氣上熏胃中故令喘

息無持客熱令口爛瘡大持者无以湯火發熱其汗也熏之陰

脉且解血散不通正陽遂厥陰不往從血行脉中氣行脉外五

端也血為陰氣為陽相須而行發其汗使陰陽離別脉為解散

血不得通厥者逆也謂陽氣逆而不復用朝日治病失所故陰

陽錯逆可客熱狂入內為結胃陰陽錯亂外熱狂入留結胃中也脾氣遂弱清

洩利通

脾主水穀其氣微弱水穀不化下痢不息清者痢也洩從水道出而反清洩者是謂下利至痢也

右四時經

黃帝問曰冬脈如營何如而營岐伯對曰冬脈腎也北方水也萬物之所以合藏故其氣來沈以搏作甲記故曰營反此者病黃帝曰何如而反岐伯曰其氣如彈石者此為太過病在外其去如數者此謂不及病在中黃帝曰冬脈太過與不及其病皆如何岐伯曰太過則令人解休脊脈痛而少氣不欲言不及則令人心懸如病飢脛中清脊中痛小腹滿小便黃赤

腎脈來喘喘累累如鉤按之而堅曰腎平冬以胃氣為本腎脈如引葛按之益堅曰腎病腎脈來發如奪索辟辟如彈石曰腎死

真腎脈至搏而絕如以石投諸水

千金作如以指彈石然

其色黑赤不澤

毛折乃死

冬胃微石曰平石多胃少曰腎病但石無胃曰死石而有鉤夏

病鉤甚曰今病

凡人以水穀為本故人絕水穀則死脈無胃氣

所謂脈不得胃氣者肝但弦心但鉤胃但弱肺但毛腎但石也

腎藏精精舍志盛怒而不止則傷志志傷則善忘其前言腰脊

痛不可以俛仰屈伸毛悴色夭死於季夏

冬腎水王其脈沈濡而滑曰平脈反得大而緩者是脾之乘腎

土之克水為賊邪大逆十死不治

一本云日戌年反得弦細而

長者是肝之乘腎子之扶母為實邪雖病自愈反得浮

作金

而短者是肺之乘腎母之歸子為虛邪雖病易治反得洪大而

散者

千金作浮大而洪

是心之乘腎火之陵水為微邪雖病即差腎脈

沈細而緊再至曰平三至曰離經病四至脫精五至死六至命

盡足少陰脉也

腎脉急甚為骨疼癰疾微急為奔豚沈厥足不收不得前後緩其為折脊微緩為洞下洞下者食不化入咽還出大甚為陰痿微大為石水起臍下以至小腹腫垂垂然上至胃管死不治小其為洞泄微小為消痺滑甚為癰癰微滑為骨痿坐不能起目無所見視見黑花滑甚為大癰微滑為不月水沈痔

足少陰氣絕則骨枯少陰者冬脉也伏行而濡骨髓者也故骨不濡則肉不能著骨也骨肉不相親則肉濡而却肉濡而却故齒長而垢難經有字作枯髮無澤髮無澤者骨先死戊篤己死土勝水也

腎死藏浮之堅按之亂如轉圓益下入尺中者死

右素問鍼經張仲景

新刊王氏脉經卷第三